



Inuit Ataqatigiit Inatsisartuni

8. januar 2007

Inatsisartut Suleriaasianni § 36, imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquqit:

Januarip aallaqqaataani innaallagiap, erngup kiassarnerullu akiisa qaffannerat/apparnerat illoqarfikkaartumik nunaqarfikkaartumillu sunik patsiseqarnersoq paaserusuppara.

Akinut nutaanut Inatsisartut akit assigiikkunnaarnissaannik aalajangiinerat tassungalu atatillugu uuliap akiata qaffassimanera qanoq immikkut sunniuteqarnersut pillugit nassuiaasoqarnissaa kissaatigaara.

Tamakku tunngavigalugit kissatigaara najugaqarfikkaartumik illoqarfinni nunaqarfinnilu innaallagiamut, imermut kiassarnermullu akit nutaat nassuiaasersorneqarnissaat.

Aammattaaq taamatut nutaamik aaqqissuussinermi pisariilisaanikkut - soorlu sulisoqarnikkut, suliffissaqartitsinikkut, akissaajaateqartarnikkut il.il - sunniutaasut sunniutaasussaasullu suunersut paaserusunnarpoq.

(Inatsisartuni ilaasortaq Kuupik Kleist, Inuit Ataqatigiit)

Tuungavilersuutit:

Nunatsinni akit assigiittussaataitaanerisa atorunnaarsikkiartuaarneqarnissaat Inatsisartuni aalajangerneqarnikuuvoq.

Inatsisartummi akit assigiikkunnaarnissaannik aalajangiinerat naatsumik oqaatigalugu tassaavoq akinik qaffaaviusussani akit ukiuni tallimani ukiumut annerpaamik 10 % tikillugu qaffassinnaasut, ullunili kingullerni tusakkavut naapertorlugit najugaqarfiit ilaanni 40 – 50 % tikillugit akinik qaffaasoqartarsimanera allanik patsiseqarsimassaaq.

Qisuariaatit tusagassiuutit aqputigalugit tusakkavut pasitsalersitsipput marlunnik assigiinnigitsunik nassuiaatitassaqaarsinnaassasoq, tassaasunik:

- Akit nutaat naatsorsorneqaarsimanagerat naammattunik tunngavissaqaarsimanngitsoq, imaluunniit,
- Akit nutaat naammattumik paasinartumillu innutaasunut nassuiarneqaarsimanngitsut.

Ilaatigut apeqquteqaammut pissutaavoq pineqartup maanna inuiqatigiinni oqallisigineqarnerani Inatsisartut aalajangerannut tunngaviusut puigorneqaarsimasutut isumaqarnarmata.